



20 19 йил « 01 » 04

№ 08-154

« ____ » ____ 20 ____ год

**Ўзбекистон Республикаси Вазирлар Маҳкамасининг
2019 йил 5 мартдаги 190-сон қарори ижросини таъминлаш тўғрисида**

Ўзбекистон Республикаси Вазирлар Маҳкамасининг 2019 йил 5 мартдаги “Халқаро ва республика олимпиадалари, танловлари, мусобақалари ғолиблари бўлган академик лицейлар, касб-ҳунар коллежлари ва умумтаълим мактаблари ўқувчиларини тақдирлаш тартиби тўғрисидаги низомга қўшимчалар киритиш ҳақида”ги 190-сон қарори ижросини таъминлаш мақсадида

БУЮРАМАН:

1. Ўзбекистон Республикаси Вазирлар Маҳкамасининг 2019 йил 5 мартдаги 190-сон қарори (кейинги ўринларда Қарор деб юритилади) ҳамда Ўзбекистон Республикаси олий ва ўрта махсус таълим вазирининг 2019 йил 7 мартдаги 227-сон буйруғи маълумот ва ижро учун қабул қилинсин.

2. Қарор билан:

Вазирлар Маҳкамасининг 2008 йил 13 октябрдаги 226-сон қарори билан тасдиқланган Халқаро ва республика олимпиадалари, танловлари, мусобақалари ғолиблари бўлган академик лицейлар, касб-ҳунар коллежлари ва умумтаълим мактаблари ўқувчиларини тақдирлаш тартиби тўғрисидаги низомга қўшимча ва ўзгартиришлар киритилганлиги;

киритилган қўшимча ва ўзгартиришларга кўра, олий таълим муассасаларига таълимнинг ушбу соҳадаги йўналишларига умумий қабул квоталари доирасида тест синовларисиз ва қўшимча имтиҳонларсиз ўқишга қабул қилиниш ҳуқуқи “автомобиль ва мотоцикл спорти, спортнинг техник ва амалий, авиамоделъ ва ракетамоделъ спорт турлари” бўйича республика мусобақаларида биринчи, халқаро мусобақаларда (Олимпия ўйинлари, Осиё ўйинлари, жаҳон чемпионати ва Осиё чемпионатида) биринчи, иккинчи, учинчи ўринларни эгаллаган академик лицейлар, касб-ҳунар коллежлари ва умумтаълим мактабларининг битирувчиларига ҳам берилганлиги кўрсатиб ўтилсин.

3. Лицей ва коллежлар билан ишлаш бўлими (О. Солиев) ҳудудий адлия бошқармалари бошлиқлари – юридик коллежлар директорлари, университет ҳузуридаги академик лицей директори Ш. Бобоқулов билан биргаликда юридик коллежлар ҳамда академик лицей ўқувчиларига Қарор мазмун-моҳиятини тушунтирилишини ҳамда унда белгиланган вазифаларни ўз вақтида, тўлиқ ва сифатли бажарилишини таъминласин.

4. Мазкур буйруқ ижросини назорат қилиш проректор Д. Умаров зиммасига юклансин.

Адлия вазири
ўринбосари – ректор



Е. Канъязов